



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-057-4/24**
Datum: **11.03.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica - korisnika, «SAGA» d.o.o. Žepče za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta u naselju Tatarbudžak, općina Žepče, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu - korisniku, «SAGA» d.o.o. Žepče daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta izgrađenog u naselju Tatarbudžak na zemljištu označenom kao k.č. broj: 152 K.O. Tatarbudžak, općina Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog pogona za preradu drveta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbijedi da se otpadne vode iz parionice nesmetano prikupljaju u sabirnom/taložnom oknu bez preliva. Čišćenje i pražnjenje sabirnog okna u koji se prikupljaju otpadne vode iz parionice može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja sabirnog okna.
 - 2.3. Da se prikupljanje i privremeno skladištenje piljevine i otpadaka od drveta iz procesa prerade vrši na način da se onemogući njegovo rasipanje po okolnom terenu.
 - 2.4. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 2.5. Piljevina, drveni otpad kao i ostali otpad koji nastaje na predmetnom lokalitetu ne smije se odlagati na česticu «vodno dobro», odnosno u vodotok i na njegove obale.
 - 2.6. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 25. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona za preradu drveta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice-korisnik, «SAGA» d.o.o. Žepče svojim zahtjevom zaprimljenim u Agenciju dana 06.02.2024. godine, zatražilo je od ove Agencije izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta izgrađenog u naselju Tatarbudžak na zemljištu označenom kao k.č. broj: 152 K.O. Tatarbudžak, općina Žepče.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 043-0-Reg-15-000699 izdatog dana 07.07.2015. godine od strane Općinskog suda u Zenici,
- Ovjerena kopija Rješenja o izmjenama podakaja u sudski registar broj: 043-0-Reg-23-001091 izdatog dana 19.10.2023. godine od strane Općinskog suda u Zenici,
- Kopija Aktuelnog izvoda iz sudskog registra broj: 043-0-RegZ-23-002921 izdatog dana 20.10.2023. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 05.01.2018. godine od strane Porezne uprave Federacije BiH-Kantonalni porezni ured Zenica,
- Kopija Ugovora o zakupu poslovnog prostora zaključenog dana 01.01.2023. godine između «DUZEL GROUP» d.o.o. Žepče i «SAGA» d.o.o. Žepče,
- Kopija Rješenja o odobrenju za građenje broj: 12-23-2846/05 izdatog dana 07.09.2005. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za «DUZEL GROUP» d.o.o. Žepče),
- Kopija Rješenja o upotrebi građevine broj: 12-23-04037/12 izdatog dana 07.08.2012. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (izdato za «DUZEL GROUP» d.o.o. Žepče),
- Ovjerena kopija Rješenja o odobrenju saglasnosti za obavljanje djelatnosti rezanja drveta broj: 04-18-04277-4/16 izdatog dana 25.08.2016. godine od strane Ministarstva za privredu Zeničko-dobojskog kantona,

- Ovjerena kopija Rješenja o izmjeni Rješenja o izmjeni adrese privrednog subjekta u Rješenju o davanju saglasnost za obavljanje djelatnosti rezanja drveta broj: 04-18-04277-5/16 izdatog dana 14.12.2021. godine od strane Ministarstva za privredu Zeničko-dobojskog kantona,
- Kopija Rješenja o okolinskoj dozvoli broj: 12-23-3859/05 izdatog dana 05.09.2005. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Glavni projekat – vanjske hidroinstalacije – proizvodno poslovni kompleks za preradu drveta urađen od strane «IBIS» d.o.o. Zavidovići (broj: 20-I-G/17, mart 2017. godine) – na uvid,
- Kopija Rješenja o vodnoj dozvoli broj: UP-1/21-3-40-641-4/22 izdatog dana 06.02.2023. godine od strane «Agencije za vodno područje rijeke Save» Sarajevo,
- Kopija Zapisnika o inspekcijskom nadzoru Federalne uprave za inspekcijske poslove – Federalni vodni inspektorat broj: UP1-14-21-2-08699/2022-1405-3-P od 31.01.2024. godine,
- Kopija Ugovora broj: 2001/23-DS o čišćenju separatora i zbrinjavanju opasnog otpada zaključenog dana 27.12.2023. godine sa «DELTA PETROL» d.o.o. Kakanj,
- Kopija radnog zapisnika broj: 01/01/24 o zbrinjavanju opasnog otpada (emulzije) iz uparivača od 15.01.2024. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog pogona dana 07.03.2024. godine i tom prilikom je sačinjen Zapisnik o uviđaju broj: UP-1/21-3-40-057-3/24.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon za preradu drveta smješten je u naselju Tatarbudžak, općina Žepče i isti se koristi na osnovu Ugovora o zakupu zaključenog dana 01.04.2016. godine i 01.12.2017. godine sa «DUZEL GROUP» d.o.o. Žepče. Pogon čine sljedeći objekti: nadstrešnica/hala sa brentom, proizvodni pogon, prostor lakirnice, otvoreno skladište oblovine, natkriveni skladišni prostor, upravna zgrada, silosi za piljevinu, sušare ukupne zapremine 200m³, parionica zapremine 50m³ i kotlovnica. U pogonu se vrši primarna prerada drveta kao i izrada finalnog proizvoda – dječiji namještaj. Kapacitet godišnje proizvodnje je oko 2.500 m³ oblovine.
- Snabdijevanje pogona vodom za sanitarne potrebe i hidrantsku mrežu obezbijedeno je priključkom na gradsku vodovodnu mrežu kojom upravlja JP «KOMUNALNO» d.o.o. Žepče. Sanitarne fekalne otpadne vode se ispuštaju u septičku jamu.
- Stupanjem na snagu Uredbe o izmjenama i dopunama uredbe kojom se utvrđuju pogoni i postrojenja koja moraju imati okolinsku dozvolu («Službene novine Federacije BiH», broj 74/22) operator «SAGA» d.o.o. Žepče nije u obavezi pribavljanja okolinske dozvole.
- Otpadne vode koje nastaju u tehnološkom procesu parenja drveta se prikupljaju sistemom betonskih kanalic i odvođe u armirano-betonsko sabirno/taložno okno bez preliva gdje se izdvaja kondenzat. Čišćenje i pražnjenje istog se vrši periodično od strane ovlaštene firme «DELTA PETROL» d.o.o. Kakanj prema posebnom ugovoru (uz zahtjev dostavljen radni nalog o pražnjenju sabirnog okna i preuzimanju emulzije od 15.01.2024. godine).
- Krajnji proizvodi (dječiji kreveti i kreveti za odraslu djecu) se farbaju ekološkim bojama na vodenoj bazi suhim postupkom, bez upotrebe vode, u komori sa filterima.
- Piljevina se zatvorenim sistemom otprašivanja prikuplja u silosima. Piljevina i drveni otpad se koriste za potrebe vlastite kotlovnice, tj. u postupku zagrijavanja kotlova u postupku parenja i sušenja drvene građe.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09,

79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva, «SAGA» d.o.o. Žepče ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za preradu drveta izgrađenog u naselju Tatarbudžak, općina Žepče, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-057-2/24 od 05.03.2024. godine.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju:

Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- «SAGA» d.o.o. Žepče
- Tatarbudžak bb, 72230 Žepče
- AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava